

**Inissiat nammineq pigisat pillugit Inatsisartut peqqussutissaattut siunnersuut
pillugu**

Inatsisartut Attaveqaqatigiinnermut Ineqarnermullu Ataatsimiititaliaata

ISUMALIUTISSIISSUTAA

siunnersuutip aappassaaneerneqarnerani saqqummiunneqartoq

Inatsisartut Attaveqaqatigiinnermut Ineqarnermullu Ataatsimiititaliaat
suliarinninnermini ukuninnga inuttaqarpoq:

Inatsisartunut ilaasortaq Godmand Rasmussen, Atassut, siulittaasoq
Inatsisartunut ilaasortaq Olga P. Berthelsen, Inuit Ataqtigiit, siulittaasup tullia
Inatsisartunut ilaasortaq Palle Christiansen, Demokraatit
Inatsisartunut ilaasortaq Agnethe Davidsen, Siumut
Inatsisartunut ilaasortaq Jürgen Weyer Johansen, Siumut

Inissiat nammineq pigisat pillugit Inatsisartut peqqussutissaattut siunnersuut UPA
2007-imi siullermeerneqareermat Inatsisartut Attaveqaqatigiinnermut
Ineqarnermullu Ataatsimiititaliaannit nassuiaatitai ilanngullugit misissorneqarpoq.

Tusarniaanermut akissutit

Siunnersuutip matumani pineqartup ataatsimiititaliami suliarineqarnissaanut
atugassatut tusarniaanermi akissutit nuutinneri ataatsimiititaliap piniarpai.
Tusarniaanermut akissutit ataatsimiititaliap oqaaseqarnissaanik
pissutissaqalersitsinngillat.

Siunnersuutip imarisai

Piginnittut peqatigiiffiinut tunngaviusumik aalajangersakkat pillugit maleruagassat
siunnersuutikkut aalajangersarneqarput. Siunnersuut malittarisassanut
tunngavissanik kiisalu torersaanissamut malittarisassanik tapertaqartinneqarpoq.

Naalackersuisut siunnersuutitut saqqummiussaaticut anguniarneqartut
ataatsimiititaliap iluarisimaarpai.

Inatsisartulli ataatsimiittarfianni siullermeerinermi ataatsimiititaliami Inuit
Ataqatigiit ilaasortaata oqariartuutai tunngavigalugit apequtit uku
paasinarsisinneqarnissaat kissaatigineqarpoq:

1. Utoqqarnut inissiat, innarluutilinnut inissiat kiisalu inuusuttunut inissiat
siunissami **nammineq pigisatut** inissiatigineqalersinnaanerat
Naalackersuisunit isumaliutigineqarsimava?
2. Inissianik piginnittut peqatigiiffianni ilaasortat arlaannaalluunniit inissiamit
ataatsimit amerlanerusunit pigisaqannginnissaa qulakkeerniarlugu
periarfissat qanoq ittut Naalackersuisut isumaliutigisimanagerat
paasisutissiissutigineqassasoq kissaatigineqarpoq. Taamatut aaqqiinermi
Naalackersuisut suut iluaqutaasinnaasutut ajoqutaasinnaasutullu isigaa?
3. Namminersornerullutik Oqartussat inissiaataanni piginnittut
peqatigiiffingortinneqarsimasumi attartortutut najugaqaannartut
assersuutigalugu ineqarnermut tapiissutinik pissarsisinnaanissamut
periarfissaqaannassanersut paasisutissiissutigineqassasoq kissaatigineqarpoq
kiisalu attartortut nammineq inigisaminnik piginnittut peqatigiiffianni
pisinissamut periarfissaqanngitsut qanoq piginnaatitaaffeqarnissaat pillugu
nalinginnaasumik nassuiaat kissaatigineqarpoq.

Qulaani taaneqartut pillugit sukumiisumik nassuiaammik aappassaaneerinissamut
akissuteqaamminni Naalackersuisunit saqqummiussinissaat ataatsimiititaliamit
qinnutigineqassaaq.

Qulaani taaneqartut pillugit tamakkiisumik nassuiaammik Naalackersuisut
aappasaanerinissamut saqqummiussinissaat tunngavissaatillugu peqqussutissatut
siunnersuummut saqqummiunneqartumut tapersiinini ataatsimiititaliap
isumaqatigiittup oqaatigissavaa.

Tamanna tunngavigalugu ataatsimiititaliap isumaqatigiittup siunnersuut
Inatsisartunit akuersisutigineqarnissaa inassutigaa.

Taama oqaaseqaateqarluni Inatsisartut Attaveqaqatigiinnermut Ineqarnermullu
Ataatsimiititaliaata siunnersuut aappassaaniigassanngortippaa.

Godmand Rasmussen,
siulittaasoq

Olga P. Berthelsen,
siulittaasup tullia

Jürgen Weyer Johansen

Agnethe Davidsen

Palle Christiansen